

Kentmano. Quod cum pyrite nascitur, cætero solet esse colore præstantius: quod cum lapide fissili, aut lapidis colorem nigrum imitatur, aut coloris aurei est: quod cum plumbagine, plerunq; colores multiplices habet. Licebit etiam χαλκὸν διατεικὸν appellare illud, quod Latini veteres Lucar: id enim in bracteas laminasq; dilatatum olim in theatris, hodie adhuc in templis Italicis suspenditur. Prima moneta ærea fuit, vnde & ærarium apud Romanos nominatum, fuerunt ænea instrumenta, & omnia armorum genera, vt apud Virgilium, galeæ, thoraces, loricae, enses, secures, peltæ, clypei, tubæ, cornua. Rostratæ etiam naues χαλκίμβολοι & χαλκίρεις de eadem causa Græcis dictæ. Effossi in Hercynijs sunt thoraces & gladij ænei, eo in campo, qui ab alendis nomen habuit: in quo Lotharius elector Saxonie congressus prælio est cum Henrico V. imperatore: item cultri, frameæ,